



國家清史編纂委員會・文獻叢刊

清代詩文集彙編

國家清史編纂委員會・文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 三二七

春星草堂詩稿八卷 吳熙撰

一

筠園稿三卷筠園刪稿三卷谿音十卷 朱仕玠撰

六七

冬隰吟一卷 許道基撰

一九一

粵吟一卷 許道基撰

二〇五

靡至吟一卷 許道基撰

二三五

夢墨堂稿十六卷夢墨堂續稿一卷 涂錫盛撰

二六一

紫瓊巖詩鈔三卷 愛新覺羅允禧撰

四八九

紫瓊巖詩鈔續刻一卷 愛新覺羅允禧撰

五二三

芑虛大師遺集三卷 釋明中撰

五四九

黃竹山房詩鈔六卷黃竹山房詩鈔補一卷附田盤紀游一卷 金玉岡撰

五七九

# 春星草堂詩稿

春星草堂詩稿

## 春星草堂詩稿序

潞川在海上九十九峯三面環之其南則鯨奔鸞翔洪濤接天越中諸山隱約錯立而湖平如鏡林樹映碧水蘋交風漾漾作態風人騷客往往於此寄蹤跡焉吳君太冲生長于斯嘗作南湖載酒圖抒吟嘯之興取海中山石颿以自號蓋其所移情者遠也在昔有元詩人顧阿瑛于此得句云啄花鶯坐水楊柳雪滿人譚山鷓鴣為鐵史所賞明正德間許雲村偕董從吾諸人讌孫太初于湖中舉杯屬太初引郎官湖之例名此湖曰高士湖前賢遺躅莫盛于茲以石颿之工吟當曩詰之勝地後先輝映正其時與余曾為石帆題南湖載酒圖云詩人高士湖邊住吟興高時載酒來安得人間逢鐵颿一

聲吹却海雲開又云文讌自來湖上好山圍樹綠水平隄春光亦會詩人意楊柳舞風鶯亂啼余不如鐵史雲邨之一言能重人而石帆居然是顧阿瑛孫太初一輩讀春星草堂詩益信所言之不謬因憶從吾道人有句云萬里長空傳浩嘯冷然鸞鳳在滄洲余不禁為石颿三復此詩矣乾隆甲午春三月樊桐山人朱炎序

春星草堂詩稿目錄

卷一

古今體詩八十七首

卷二

古今體詩八十首附三首

卷三

古今體詩七十一首

卷四

古今體詩一百首

卷五

古今體詩九十一首附一首

春星草堂詩稿目錄

卷六

古今體詩一百二十七首附二首

卷七

古今體詩八十首附三首

卷八

古今體詩七十二首附三首

春星草堂詩稿卷一

海鹽 吳 熙

太清

咏懷

膠膠天雞鳴日出扶桑東精氣相激蕩萬象光熊羆吾心無一慮清虛與之同散髮千仞崗長嘯萬里風醒醒小悲歡不生壯士胸直下視城郭群動何濛濛蒼蒼松柏質灼灼桃李容誰能超跡象翱翔於太空高懷追無始遠慮策有終

春星草堂詩稿卷一

不竭逝者空悠悠

巢許讓天下下士爭錐刀賢愚之相去奚翅九牛毛鯨鵬遊天海斥鷃嬉蓬蒿卽埴不言卑泰低不言高勿以涓滴水較量波與濤勿以錦繡段鄙棄絲與毫物類有如此彌縫亦云勞

今人日億萬不如一古者朽骨已無灰萬代誰能捨作史筆春秋刊書斷虞夏祖述定紀綱規模式朝野其餘誌戴家山經乃爾雅未知耳目窮聰明誰所假遊矣秦漢還卓然得董賈天馬鳴長風驚駘皆暗啞長卿好色徒遺稿不足寓子雲老腐儒顛倒投閣下文章不經世安問鐘與瓦風騷雖代興作者益以寡一經百箋疏蒼

蠅附驥馬佔俚途無成俯仰淚盈把

孤桐凌衆芳亭亭千霄姿自矜生質好弗愁良工遺裁  
為綠綺琴絙以冰蠶絲一奏太古音察察聽者稀改絃  
易新聲四座乃忘疲詭遇非所安寸心當自知顧慚構  
標華榮落無是非

畊田以為苗莠榮苗反枯藁或末周匪種詎難鋤一  
朝金風至蒿目嘆飢飢者雖自枯問誰緩須臾榮者  
雖自榮曾裨絲毫無

門有車馬客輝光燭鄉鄰赫然衣錦歸顧盼若有神潭  
潭居府中行樂難吳陳書堂敞綺筵簪裾闐闐圍美人  
顏如花嬌歌駐春雲稱觴各獻媚頌禱耳最聞咳唾隨

春星草堂詩稿卷一

風生盡傾四座賓大夫既顯達恣意肥一身赫赫市朝  
間浮雲以為珍

烈日團中天萬象咸光昭炎威一以熾毒熱不自聊禽  
魚氣不蘇草木慘欲彫佇望揚仁風慰彼芄芄苗雷雨  
安所憑凝想無昏朝

亭亭孤松樹下臨桃李場森李多芳華孤松減容光羌  
不如凡卉歲衰艷春陽豈知造化意窮冬方雪霜後影  
然後知不知固無傷拔地數畝陰參天百尺強桃李笑

春風歲寒時不長  
秋風吹遶樹撼撼不能停上有烏夜啼下有幽蘭馨幽  
蘭儻可掇啼烏傷我情反哺竟何及白華亦以零哀號

春星草堂詩稿

感中宵慘切何時寧

錄記黔教食寒恥須賈衣饑寒非不悲壯士心有遠淮  
陰逢漂母漂陽慮靈女從來國士知乃在中輟侶君子  
有困窮已矣復何語

今日梁間燕依依吳君屋秋光能幾時薄言返邦族豈  
無慙慙懷所歎異寒煥飛藿從風飄聞雲就岩宿相逢  
逆旅間何用傷局蹙

萬籬依高樹嫋嫋懸虛空下根蟠厚地上枝凌蒼穹幸  
親君子光窮願長相從如何良木涼飄蕩隨長風根本  
尚難立繁枝豈能容蔓草雜棘棘延緣自成業糾結無  
穢場馬論始與終

春星草堂詩稿卷一

佳人絕代姿端坐詞素琴被服纖羅衣臨風揚好音昭  
藐一流盼見者蕩春心玉佩未及解色授意何深願為  
比翼鳥雙雙栖喬林誓以長相思結以白頭吟

艷艷木槿花風昔手自植零落不待秋朝暮改顏色揮  
鋤復如蟻拔本更無力比鄰有芳桂高高不可即嗤彼  
賤場師不辨梧與棘君子圖始終小人善及側物性兩  
昭然向來胡未識

纖纖不遠涉弱羽不高飛奈何安庸子輒思挾策希豈  
無瓦釜鳴終羞名寔違鬱鬱終南山捷徑多是非丈夫  
不自立窮達皆貽譏

芝蘭非不芳世有逐臭夫窮泰非不甘何為嗜甘蒲燕

石以為玉魚目以為珠龜可證為蟹鹿可指為駒象偽  
競射真異俗良可吁寧訝郢中曲勿奏齊廷竿圖鑿投  
方柄久矣多齟齬

昔遊燕趙間結交游俠客酒酣吐肝膽精氣貫金石許  
與一諾聞身家不遑惜丈夫負奇懷慷慨為誰役知心  
豈在多久要貴不易出門風蕭蕭浮雲無定跡道路阻  
且長驅車塵可遠寄聲平生飲水玉自負白

步出寄奴城遙望伯牙臺伯牙亦何能遺跡猶崔嵬試  
鼓水仙操縹緲見蓬萊成連去不返子期安在哉茫茫  
山水間徒令過者哀

昔者楚王和三獻亦何愚別足猶不已號泣向路衛昌

春星草堂詩稿卷一

四

不完爾璞要見與石殊殺身事之常貴勿負區區斯人  
今已矣懷古空踟躕

規規瑤井蛙翩翩蓬蒿鷄側身甘卑污哆口恣笑訕豈  
知六合間寥廓多變幻鴻鵠翔冥冥曾不於汝眈胡為  
局一隅彼此迷相慢

移山計非愚填海心良苦斷軸規車索穿石滴溜雨刺  
鑿義稊夢承蜩美病僕道以恒乃成神惟疑則聚鑿海  
忽見湛伐薪乃遇堯時命勿復言汨沒半今古

吳鑑自言勁苦羽舍如破越劍自言銛淬厲鋒不挫賊  
材內既良求益外須佐所以古志士高節勵寒餓碎掌  
忘勤劬刺服警偃卧

陽春潤大地草木各有華吁嘆被褐子寂寂當奈何一  
口盡萬物饕餮故相誇奄忽隨物化吾生豈無涯遠朽  
謝螻蟻抱恨何其多每懷太上言強顏不成歌

貧賤非禍人屢憎一何深富貴非福人能使鄉國欽守  
節驚印綬兄嫂畏多金遂令道誼志半壞功利心非病  
愧原憲修容感曾參咄咄難具論風行匪自今

陶令非傲世疎懶性所耽飢來寧叩門東帶翻不甘一  
飯誓冥報有酒且自酣過從偕隣叟籬東或窻南居然  
無懷民臭味誰能諳

苗苗擢濯波向我顏色好小草無遠志猗那美晴昊薰  
風吹汝榮涼風吹汝老涼風對汝魂愁汝難自存花落

春星草堂詩稿卷一

五

還復花根盡不復根亮非松與柏棄置安足言  
白哲誰家子結末何翩翩朝騎千金馬扶彈重臺邊命  
侶來倡家豪氣凌雲烟珠玉買譌笑飲若貫百川精力

無所用酒色以為天寄語與春風吹我長少年大笑揚  
給事白首草太玄

爛爛園中櫻灼灼燦紅點結寒朱夏前磊磊隨風颭此  
物薦寢廟光華照琬琰碩果雖不食內美詎能掩終殊  
路旁李吐葉眾所取

襟花艷初旭蛺蝶爭來翔美人隔簾櫳彷彿見容光含  
顰起微吁悄悄情內傷終朝但獨坐滿戶春風香  
孤帷不成寐念我同懷人容顏若李一一笑四座春贈

我英瓊瑤美懷不自珍每蒙一顧恩常欲許終身楊花  
逐飄風飛作陌上塵不覩輕薄態焉知金石貞聞戶涕  
泗下誰為心所親

百年夫如何感慨非一端四運相代謝往者不復還駕  
言出北郭郭外山嶺岼悲風折白楊狐狸嘯塚間下有  
誰氏子不識賢與奸斷碣無全文枯骨委榛菅我車忽  
不行佇望慘心顏

化蝶評莊周遺塵笑鄭人幻者未必勾真者非必真萬  
事勿回首過眼同飛塵聞道嘆無期浮生常苦辛獨醒  
屈正則長醉劉伯倫非無不朽名難救速朽身古人誰  
與歸瞻望勞我袖

春星草堂詩稿卷一

六

置酒臨前軒相逢慰遲暮傾蓋且為歡何論親與故薄  
酒勝無漿惡衣勝無裳得隴又望蜀天地不得償何以  
銷我憂清風與明月對之有餘糧覽之不可竭目送長  
天盡心逐浮雲飛卷舒本無端到處相相依

懷珠水流彩蘊玉山耀輝望氣自相索孰云知者稀奈  
何夸毗子奔走不知歸相逢岐路間衣馬輕且肥朝望  
冠蓋塵暮伺王公扉寥寥夜向晨反側將何為懷哉薛  
蘿子長歌行採薇

同處人境中性情愧獨疎不知誰家子門外久踟躕敢  
謝彼姝子幸勿枉我廬感彼鷦鷯鳴芳草日以枯涼至  
溫自微疇能保厥初物情固其然美好難久居商飈淅

蕪穢耳目還清虛林卧養吾拙擾擾將焉如

冀有潛虬瑟縮類尺蠖錄惟食薦梅寒但棲榛薄如  
蟬笑其旁寂寂安所作一朝乘云扶搖起大壑虎豹  
遠遁逃蛟龍凜相愕慘慘變明晦雷殷殷連廊卷舒固  
有時在淵亦能躍詎知神異安泥塗暫寄託

青青堂後萱鬱鬱堂前荆秋霜未及加為君揚芳英網  
縲固真氣生意日敷榮保茲佳風日娛樂足一生豈無  
桃李花終懷路旁情攀摘隨過客歲華竟何成不見邛  
吾子日暮流哭聲

梗枿茂谷底疎太無古今標異耳目外斧斤誰見尋冰  
霜日以厲萬卉刑其陰輪囷安所施孤高若為心厚汝

春星草堂詩稿卷一

七

根與柯互寒行相侵春華洵治容大厦非可任應求兩  
不植徒勞嘆升沉

下士易懽樂志士易嘆嗟嗟嗟自有懷不在身與家大  
璞埋瓦礫夜光委泥沙孰知美在中群目方疵瑕含章  
自可貞尚綱安用誇禮義苟不愆毀譽亦何加蒙莊譏  
社木魯叟悲甕瓦老大行不立誰為發光華

擬古

行行去鄉國冉冉閱歲時念子獨何心棄我忽如遺朝  
來覽鏡中驚看顏色非盛年不為容安用憔悴為棄我  
日以久思君日以厚浮雲相蔽虧朔風斷枯柳會面難  
可期幽隱終自剖何用矢鄙懷報君以白首

簾外春鳥鳴階下草已綠盈盈閨中婦皎皎顏如玉自惜菴李年失身恨莫贖蕩子遊不歸空房長獨宿絨意飲雙蛾勿願朋心曲

賢賢桑榆光注注蔓草露百年能幾何願言放情憲願瞻京洛間車駕相馳驚甲第臨通衢闌闌紛回互紅塵與雲連繁華眩指顧家修窈窕容路飾便媚步蜀錦與齊紈照耀及僕御樂方頃刻陳珍饌咄嗟具慨彼窮巷子營營安所務

今夕陪高會得親君子光珠履爛盈門絲竹奮後堂新穀梁甫吟纖舞邯鄲倡美人顏如花含睇進華觴同心良不易沉吟以傍徨但使盡行遲莫問夜未央樂哉且

春星草堂詩稿卷一

復樂年命若朝霜奈何向坐隅俯仰多憂傷

高樓何迢迢飛陞結重縈朱甍麗朝光綺疎增薄寒上有愁思婦徘徊正長歎清商激皓齒歌聲雜哀彈不惜歌者苦但願聞者歡度曲未及終響遏浮雲端哀鴻既慘懷黃鸝亦盤旋異類尚有感知音胡獨難願逐同懷人高舉雙飛翰

芙蓉生綠波灼灼好顏色緬彼幽冶姿采采傳相憶古權在何許塞索不可即落日在天涯徘徊空太息

季秋天宇淨月華蕩空碧斗杓耿西南銀漢橫遙夕涼風率已厲俯仰時序易眷念同袍子情好適金石一朝翔雲衢薄終曾不惜昔如膠漆固今如參辰隔貴賤亦

猶人胡為異心迹悠悠平生歡微逐知何益

翩翩翡翠鳥游戲芳蘭業與君為夫婦鴛鴦誓成雙夫婦義不渝願保千金軀行當比肩行居當同穴居如何顏色衰中道忽睽孤思君日以老見君日以疎借問新人貌還似故人無新人笑房中故人泣路隅賤妾自薄命棄置云何吁

陽和漸已至嘉植揚芳蕤花花含曉露葉葉晞春暉臨風翫其華攀折心有違區區願有贈不知當為誰碌碌苦無餘綿綿道何遠迴車安所適憂來不可遣桃李亦何榮松柏亦何晚貞脆理難齊時過何由顯生非草與木安能長偃蹇百川日東流逝者不復返

春星草堂詩稿卷一

九

高山一何高穹窿凌蒼昊曼義和駐光景百物通冬春感彼芳菲歌憐此妍華新短晷無停留過眼如浮雲胡為自羈束悄悄懷苦辛燕趙多佳麗新聲妙入神一彈再三歎宛轉飛梁塵玉顏為君壽蓄意何殷勤願盼蕩心目躑躅復逡巡思為雙飛燕託託及芳辰

薄遊出郭門曠野風蕭蕭白楊森夾道芳草凄以凋第宅為邱墟墳塋長寂寞冥冥泉下客言是當時豪身名今何有骨肉委蓬蒿上有烏鳶飛下有狐兔驕仙人王子晉白鹿雲中遨俯閱世間人千載如昨朝安得從之遊解我心煩勞

薤露何易晞人生常局促何處傷我懷宿草與拱木昨

日同歡娛今旦在壑谷孰能一盡瑤汲如未足生死  
兩沉冥慷慨淚盈掬

托生天地間胡不善自謀寧將有限歡博此無窮愁今  
日不為樂知有來日不富貴多磨滅神仙不可求積金  
廣田宅適為子孫憂惟有賢達士輝光燭千秋

孟冬寒氣肅蟋蟀牀下吟洞房來悲風旅雁遺哀音反  
側不成寐凜凜擁孤衾迢迢望京邑契濶一何深岐路  
阻且長浮雲去無陰安樂忘故鄉憂患念同心相隔萬  
餘里離思誰能堪空留合歡被魂夢不復諧沉吟夜何  
其涕下沾衣襟

雲居歲月暮鴻雁來何遲少陰吐素魄列宿正參差客

春星草堂詩稿卷一

十

從遠方來遺我故人詞上言崇令德下言長相思令德  
願勿忘相思願勿疑開緘再三嘆貞白徒自知

西門行

出西門我心愁流水去不息白日空悠悠解一今日不為  
樂當復待來朝為語泉下人何不千秋萬歲長自豪解二  
子有酒殺不過滿腹子有衣裳不寒已足解三黃耒不起瘦  
馬男兒須有錢置酒日高會名我平生歡解四連置前後  
懷且復共行樂不聞桃李樹無花待搖落解五舉頭見天  
日不見有神仙秦皇漢武今何在唯有荒草生塚間解六

東門行

出東門望蒼天蒼天高高上無極下有大海環其邊還

歸復入門雙足不能前妻子長跪迎賤妾時死陳一言  
新山中不可往前有猛虎後罔兩水中不可居蝮蛇眠  
朕同人軀山水深無極未若人心更不測飄風陰雨無  
時晴白晝相逢半鬼蜮解二男兒性命絕可憐君今一去  
何時還膝下黃口啼堂上白頭淚潛潛解三塲前有團郭  
外有田有桑有竹有池有園夫耕妻鋤樂其天年子孫  
世世愚且蠢窮年閨戶安如山解四不然在家生死亦同  
穴胡為東西南北飄蕩隨風烟牽君馬接君鞭出東門  
摧心肝解五

閨思寄遠

記得春風送行路楊柳青青從此去二十四橋烟月多

春星草堂詩稿卷一

十一

郎君繫馬今何處閨中目斷鴻雁稀朝暮相思知不知  
芳草無言空自綠刀環有夢幾時歸

秦駐山始皇廟

輜車西去改滄桑回首蓬萊竟渺茫祠宇空貽山鬼笑  
波濤終讓海神強豔陽簫鼓迎村社深谷旌旗擁畫廊  
千古精靈還廟食劫灰羞返舊阿房  
石塘遠接馬嘯城直上高岡野色平萬里波濤浮郡邑  
千岩彩翠變陰晴金臺隔海排雲見玉殿空山閉月明  
誰道神僊虛想像祖龍荒誕自無成

輓族叔祖燈庵先生文暉

夙昔山喬仰斯人獨典型百年頭未白四海眼誰青松

菊空陶徑芝蘭尚謝庭西州斷腸路落日忍重經  
槁葉還封禪章精擬太多平生深自許老死竟誰憐江  
海寸何用龍蛇議已傳文章身後顯何日慰黃泉

送別惺仲叔以敬

此去無多別臨歧思不禁雲帆三十里相送若為心行  
藥春山遠彈琴碧海深竹林文譙地惆悵獨追尋  
春江花月夜高會古城東載酒尋楊子聯吟憶謝公今  
朝梁木壞回首鯉庭空努力懷明發無勞嘆轉蓬

七夕

今夕是何夕佳期定不空但爭渡橋後任爾石尤風

夢後

春星草堂詩稿卷一

十三

不那新愁夢後生冷風剪剪惱吟情拚他一味清寒甚  
起捲重簾放月明

生子

今日驚子閨當年鞠我思嗚呼我母氏杯棬今無存有  
子不及養霜露空淚痕生我尚如此我生何足論耳聞  
呱呱報氣結不能言

小年事讀書近壯無所成吾父死於是吾志終不更往  
者不可運來者猶可爭經綸出帖括千古無功名躊躇  
生理艱庶幾事漁耕

遊子吟

東風吹楊花飄蕩靡所底男兒辭故鄉一去幾千里非

是慕遨遊無計安桑梓茅店一殷難征人次第起霜寒  
風如刀太息發軔始相逢同鄉人陌路皆知已殊方異  
苦樂兩地賒生死死依依還山雲歔歔赴壑水無情尚有  
歸哀我行旅子

秋咏

秋山如秋士憔悴見精神木落森風骨面目得其真薄  
雲翳不盡天末削嶙峋如何異榮枯屢屢爭三春  
春風使人愛秋風使人悲秋風不足悲壯節在自持弱  
草自易葉枯木自折枝不見澗底松蒼蒼歲寒姿

秋夜歎

惟夏苦夜短秋來苦夜長蕩漾明月輝燭我離人床一

春星草堂詩稿卷一

十三

息四起庭樹鬱蒼蒼銀漢寂無聲列宿燦成行思蛩  
一何切哀鴻近中堂顧茲風景異慨然念行藏逝水東  
北流浮雲西南翔我勞靡定靈歎忽改炎涼攬衣向中  
夜顧影猶東廂悵切空自知寤言不成章

紀夢

記得遶懷靈悲歡無限情夢中料是夢勉強訂來生  
記得送懷靈淚痕拭笑四從今知別苦不遺夢魂來

落葉

颼颼秋空急暮濤群芳一夜委江皋綠酣霜氣千岬赤  
猶戰風聲萬壑號流水石橋僧舍寂斜陽村落鵲巢高  
銷魂休聽哀蟬曲短笛吹殘思鬱陶

動地商聲萬樹連登高望遠堪憐飢鷹陸落平岡上  
竄犢長鳴夕照邊買酒洞庭波瑟瑟吹簫赤壁月娟娟  
題詩空寄東流水回首穠華倍惘然

夜坐寄吳南陽山曉

石鼎烟凝縷縷空階水落鄰細雨天邊冷雁殘燈夢  
後愁人

相別幾更風物相思殊限鄉關九十九峯明月夢魂定  
繞河山

答惺仲叔

客從秦溪來貽我書一封開書一再讀索寞苦無懷藏  
書枕前側視夢與一逢寄書几席上想見冰雪容嗟我

春星草堂詩稿卷一

十四

興已闌蒙君情所鍾人生重道誼豈在意氣濃春彼登  
負屨仰羨雲隨龍寥寥雙黃鵠何日還相從  
逝水無停波飄風無靜林唯有一片月皎皎行天心三  
五二八夜光滿旆見侵西貴清炯體終弗損太陰伊予  
心不寧懷君多苦音寸心矢相照奚憚雲水深寒裳不  
我即望遠空沉吟願隨明月光飛度秦山岑

泛舟西湖

舛水漾孤舟景物淡客與撥棹近空明島嶼清可數簫  
管沸中流樓臺倚遠渚放懷任沿洄逐景隨延佇東坡  
去莫留秋聲來難拒山水亦何心賢奸隨所處平生厭  
塵囂遇昂轉愁緒當盈無與酌叩舷更誰語夕暉散鷗

鳬塘評歸士女幽骨浩無涯烟光滿平楚

新僕

無端拋骨肉來此事隣人歎笑者誰面飢寒誤汝身呼  
名羞未答執役錯頻嗔翻恨生成日思勤負兩親

懷陳景陽元城

憶爾登高日他鄉黃葉秋風霜為客苦貧賤傍人羞烏  
夜村中月永安湖上舟夢魂飛不到吟上仲宣樓

松霏行

重光荒落月建子淫雨兼旬猶不止萬山滅沒雲氣中  
千村蕩漾波光裡道途乞人紛如麻自言失業走天涯  
手種香稻難入口眼看卧稻盡抽芽自從連歲遭蘊隆

春星草堂詩稿卷一

十五

遠近家家簞笠空願望今年登大有齊驅婦子趣田功  
詎料皇天不恤衆又遣雨師頻播弄空勞五酒祝甌窶  
那望貧兒埋飯甕君不見豐年積稻堆如山卒歲還愁  
一飽難是處更胥皆食稅誰家斗粟不輸官只今行乞  
離鄉邑全家一散難收拾舊日田園棄亦甘新年租賦  
憤何及交衡語罷教彌苦嗟爾啼號亦無補降康終須  
受厥明治生畢竟學為國百年仰屋空長嘆四海何人  
更援餐山頭凍雀飛何處澤裡征鴻正未安

夜泊

湖面黯無光日隨客帆落船尾一縱望四野氣蕭索橋  
梁亘遠空雲水涵寥廓遙聞葦中語知有漁舟泊往來

柔櫓報香冥赴深壑孤懷誰與言取酒聊自酌

憶春星草堂

老鶴巢邊人跡稀板橋流水掩林扉可憐猿鳥長相憶  
春向梅花先客歸

春星草堂詩稿卷一終

方夢魁健菴校

春星草堂詩稿卷一

十六

春星草堂詩稿卷二

海鹽 吳 熙 太沖

奉答叔祖蘭陵先生五古三章

達人邁流俗懷抱光太虛宇吐衆人母致君萬卷書所  
學既無負拂衣歸故廬息影朝市外蔬水仍宴如優游  
偕蓂展觴咏樂三餘自愧非芝蘭亦復厠階除月旦幸  
不遺聲價歛以殊衆口寔綢繆能無頽吹噓切切抱私  
衷依依侍閒居轉恐微車至瞻仰空縈紆

水分念同原木大惜繁陰君子敦一本感此自不禁吾  
家昔全盛人才奮藝林先子悲無祿英華遂銷沉恭惟  
我叔祖山斗仰至今典型存碩果卓為鄉國欽樂育先

春星草堂詩稿卷二

同室藹藹宣德音孤露易為感蒙恩况獨深鳴跽求鑒  
援竟慰平生心最哉示周行師保寔我臨

刪訂有尼父萬古仰日星紛綸箋疏家附驥揚休聲鄙  
哉帖括業志士心所輕干祿與謀道兩塗寧合併夫惟  
忘溫飽所學斯粹精匡劉安可期毛鄭不再生誰與圖  
不朽汨沒訖無成要道苟未窺多文何足榮願言隨諸  
叔異聞不時聆洒掃絳帳旁庶幾窮一經

附五古三章贈太沖姪孫

吳懋政 惟風

人生有奇福富貴非此謂文章大道餘天地之清氣  
如彼蘭菊芳品格勝姚魏不見蓬心人研摩歲月費  
贖如杜欽眇蒞甚周昌欽方心與姑舌白首夢見未

而子方妙年英聲獨蚤蜚賦有徐庾風詩得章孟味  
尺庭大室中萬象森經緯高調問微吟即此聊自慰  
造物生斯才貧賤不必諱多文以為富榮名以為貴  
在昔孝廉公爾高吾祖行讀書負大志名重燕臺旁  
吾伯暨吾兄箕裘紹青緇汝父吾小阮個個姿非常  
憶昨如汝年竹林相頡頏跣跣才不羈天馬誰能羈  
後改歸繩尺文筆何堂堂重光作噩秋辛苦塵名場  
一戰三晝夜嘔血身繫戕力疾不少衰矯首思騰驤  
鬱紆志未遂病骨日以羸一朝埋玉樹沉痛摧中腸  
至今古錦囊手澤留餘香勉爾青雲器宜迪前人光  
努力及少壯毋貽老大傷

春星草堂詩稿卷二

六經文字祖粹然無疵瑕布帛菽粟中色味茂以加  
讀書不窮經譬如無本花朝榮暮即萎一瞬徒堪誇  
自悔咕嗶年離根而綴芽叢書與小說摺披多浮夸  
風雲月露詞累牘何為耶勸汝先經術妙義勤振爬  
沉潛入蘊奧含咀出英華後乃及子史記濫觀百家  
當其貫串時摘藻紛葩葩榮世既有餘傳世亦無涯  
功深名亦遠食報何曾差

遊尖山

海上青山上寺琳宮突兀駕神鰲山環吳會千重秀  
海接錢塘萬頃高日落中峯聞梵唱天清下界湧銀濤  
巡遊此日多休豫保障深知國恤勞

春星草堂詩稿

題春星草堂

今年燕子歸依舊就烏衣與爾都無恙營巢共息機清  
風空四壁斜日掩雙扉便有烟霞意樊籠悔昨非  
城外山當戶溪邊樹繞廬烟嵐新雨後風物仲春餘掃  
運花頻積開簾月尚虛比鄰有幽意乘興詣樵漁

絕句

儂在樓上頭見郎久延佇憐渠未相識脉脉兩無語  
認取水邊樓樓前楊柳樹月黑風蕭蕭是郎臺中路

曉行

出郭風淒淒殘星沒平楚夫路桑柘陰深入不知露晨  
光一相照苦霧滴成雨悠悠曉行人一步一延佇

春星草堂詩稿卷二

三

贈別

奄忽桑榆日猶照游子衣游子不顧家出門去驂駟塵  
不憚孤征吁嗟生理微悠悠就長道故里自茲違一步  
腸一迴上馬鞭不揮男兒可憐蟲株守計亦非鴻雁自  
北向鷓鴣自南飛道里兩不同握手空依依緬懷尼山  
訓遠遊自古譏

池上夜眺

弄月來花潭烟景清且美林影淡空明參差半池水倦  
翻栖未安乱蛙喧不已夜深露氣凝竹樹光蕤蕤心跡  
與誰言浩然方徙倚

誌憎

青蠅本醜類託生荆棘中逐臭聊自給營營態靡窮何  
來遽集此几案無時空團扇驅復至因之損屏風物微  
不足道取憎千載同

閣閣井底蛙何堪儼鼓吹嘅彼絀聰者傾聽竟惑之遂  
使汗穢質居然有紫施潛身亂草間鼓舌陰雨時於我  
何愛憎蒙莊有微詞

贈陳粗行

平生寡所歡逢君輒傾心敢云附同臭肺腑自不禁時  
當孤坐辰抑鬱萬慮侵願乘排雲翮見子開煩襟會面  
日以難積思日以深豈期慰契濶復聆金玉音立言懷  
往哲斤斤區負謠風雅遙祖述盛衰變古今即今華士

春星草堂詩稿卷二

四

繁流響噪藝林道寔所期近名安足欽以子縱橫才  
聊為梁甫吟駢駢長風一鳴萬馬瘖氣骨所固有不  
朽在自任嗟予抱區區徒傷憂下琴相思渺雲水誰為  
抒微忱青眼望吾子母徒感升沉

題畢萬涵師安照

良夜風清月白空山水流花開如此天然位置只除畫  
稿能談

適意琴樽永日懷人雲樹遙天是誰端坐石上記得相  
逢處邊

宿田家

亂雲赴西嶺反照半村墟農談溪樹下蟬噪晚涼餘平

疇既蔥蒨茂林亦清疎迢遙瞻浦淑次第歸樵漁即景  
動我懷薄言就爾居

月下數野老就我荆扉前與語城市事時復一慨然愛  
述舊官長喜談古聖賢議論多不倫據理轉翩翩傾聽  
為撫掌彼此迭喧闐

宵深遂廢寢明月墮茅廊露珠上秧針萬寶吐夜光亂  
登齊唧唧衆山但蒼蒼興盡語亦闌陸續散道旁相期  
農工暇還來此徜徉

寄表弟沈抱曾心醇

伊昔長相思綿綿乃至今絨意向飛鴻未必傳我心  
心如春水縈繞不能斷君心如月光有時照空館空館

春星草堂詩稿卷二

五

惜離羣含情坐夕曛魂飛花溪水目斷龍山雲去年楊  
柳青聞君遊燕臺今年芳草歇君方賦歸來歸來仍瀾  
絕遠近理豈易唯有一寸心莫使雲山隔

旅泊

偃帆逗枉渚已見漁火明荻岸夕蕭瑟萬壑并一聲水  
邊飯已畢烟際月乍生虛明蕩空碧泊岸湛清曉觀  
豈不佳疑佇難為情此時白髮母挑燈憶遠征

七夕

見說秋期是相逢亦自難不知銀漢水何苦限雲端天  
上猶如此人間安足數年年際今夕露坐到更闌

贈表弟朱秋陽煜

獨有伴狂客窮途絕繫援傭書同潤澤彈鋏吳鴻煖負  
氣凌千古傾心重一言可憐譔哭地風雨然煩寃

小飲

風光流轉欲魂銷秋到蓬門更寂寥只有雲山終不改  
況承儔侶特相招河橋楊柳垂垂老野岫芙蓉故故嬌  
筵指青帘謀一醉酒人團坐永今朝

生女

反是生女好無愁鞠育難可憐願況淚三載不曾乾且  
當充閭慰休將弄瓦看男兒吾甚愧老大迫飢寒

述懷

秋風吹老屋終夜耿殘燈忽聽鄰鷄唱飛揚病未能艱

春星草堂詩稿卷二

六

難餘意氣懶散斷賓朋伏枕懷前事蒼涼百感增  
頑軀今七尺懷抱竟如何貧賤慚兒芳辛勤累母多世  
途從雜沓儒術自奔波菽水堪長乏春暉最易過  
何計盤飧潔慈顏罄一飲階前看嬉戲膝下話團圓此  
境終難得於心寔未安焦勞垂白在粗糲勸加餐  
荒墳積風雨崩剝歲年深死者長如此淒其思不禁五  
車將墜地廿載獨寒心寄語泉臺下零丁直到今  
幸矢固窮志平生堪對人艱難仍克已僇辱不遺親秋  
老蘭空潔山寒桂尚新敝廬留故物邛罍最宜身  
三載揚州客羈棲有底忙如何謀衣食爾許隔星霜原  
潤鶴鶴少秋高鴻雁翔聯床今一慰努力各相將

慚愧故人眼年來幾箇青詩篇勞唱和盃酒慰飄零自  
顧真堪笑人言且勿聽終當懷報答奇樹本芳馨

太息語妻子相依賴爾曾有家同冷淡無計免啼號勤

許牽蘿慣迂嗤舉案高食貧宜安命吾終鄙錢刀

瘦馬荒郊外蕭條意態殊知誰留顧盼敢自許馳驅伏

櫪年非壯耐金骨已枯相逢如不早千載哭窮途

已矣復何歎憂來空自憐悲歌酌白日飲啄信蒼天抑

途中口號

木落寒潭清涼風厲何早蕭蕭長堤楊離離荒塚草念  
彼本無情零落尚難保人生會有盡物理豈常好風昔

春星草堂詩稿卷二

七

抱微尚溫飽不足道何當乘發榮常恐即枯槁笑顏  
路人踪跡類野老荏苒征途間觸目怒如擣

憶三首

凌晨出門無所之一步一四中心悲竭來山上望滄海

雲濤天末相迷離成連不返伯牙死令人慷慨懷鍾期

噫高山流水長如斯冷泠七絃誰當知

若有人子貧賤交懷才落魄同學嘲一朝洒涕來作別

此去行藏尚繫乾脫劍出贈無留意目送車塵沒荒郊

噫百鳥亦自戀其巢君去何當歸衡茅

好花昨日開庭隅爛熳迥與羣芳殊呼朋携酒醉花下  
今朝落盡惟枯株勸君莫恃好顏色日兮月兮過隙駒

噫我今少壯一事無頭童齒豁空嗟呼

冬日寫懷

冬至天地肅六合莽泐寥曠野色慘淡北風鳴枯條城郭互相屬磊落雲山高鴻雁正南翔哀鳴何嗷嗷疇無稻粱謀生涯獨搖搖壯志逼歲暮苦恨時未遑出門步念之竟夕長辭陶

東鄰殺羔羊酒熟速諸親笙歌喧巷陌觀者何紛紛借問彼何為言是新婚姻年豈倉廩實作事無艱辛族黨溢寬牖稱觥致殷勤嘖嘖誇嘉耦舅姑顏色欣女但事織紉男但事耕耘多財寧婦子歡樂難具陳

孤桐生嶧陽孤松生徂徠一為知者用千古仰良材不

春星草堂詩稿卷二

八

然委幽谷惡木同摧頹

路逢豪俠客揖我入酒家鯨吸不復讓半酣看鑊鉞雙丸出掌中白日韶光華冷氣徹毛髮盤礴眩眼花欲然入斗拱空際聞叱嗟笑謂世上人睚眦安敢加

尸寢驚朝光起坐觸煩慮誰能禁寂寞且復出門去言尋同方人嘯傲慰幽素相逢不相識暮歸無一遇挑燈理殘帙懷古寄遐慕却笑蘇季子金多眩親故

旅中

風雪真無賴蕭蕭作意寒紙窗敲竹瓦滴初乾旅客愁相對他鄉歲欲闌歸期憐早晚兒女話團圓

雪中過菴山寺

萬壑寒堆雪孤庵盡獨關遙尋樵徑至乍向石林彎入戶流淅響開軒古木環曇花飛淨域貝葉伴寒山鐘梵冷冷作鳥鳴隊隊還峰頭平可揖展齒力猶頑坑谷高低出邱陵遠近閒依稀見城郭杳靄紫烟鬢天地陰方壯行藏興未慳蒼茫無限量日夕罷登攀

雪中小飲用東坡聚星堂韻

田家妙冬釀竹葉有客相招踏殘雪出門浩蕩忽無涯陡覺天地清寒絕門前澗水凝不流一帶槎枒凍欲折蒼然氷裂時作聲四望荒荒人跡滅遙指茅屋起炊烟青帘不定隨風掣到來坐飲無算爵醉看朱碧紛垂纈沉酒大呌酒氣出萬事夷然俱不屑却笑袁安太自苦

春星草堂詩稿卷二

九

空使流光去如瞥一手持盃足一生况有朋簪佐談說歸來東郭履已穿卧擁布衾冷於鐵

寒士行贈表弟朱秋陽

寒士非無交所交非所親張目六合中誰為同心人款屢既决踵緼袍不蔽身側足里黨間自顧覺不倫里黨多富豪類聚相主賓珠服而玉饌行樂無冬春顧盼無若輩安知席上珍念彼寒人子一步一逡巡中心如有違欲言向誰陳囊中篋由出袴下安敢噴豈伊無意氣飛揚嘆無目天意不可知疇能無屈伸吁嗟乎寒士時命何弗均耶為寒士行永厲寒士神

元夕